

որը մի թամբոցով անջատվում է շերտի դեպի հյուսիս լայնացող զանգվածից-
կառուցված են հոյակապ ամրություններ՝ կազմելով մի անընդհատ գիծ ան-
հարթ հրապարակի արևմտյան և հյուսիսային կողմերով, որտեղով թշնամի-
կկարողանար ելնել և մտնել քարաբլրի գագաթը: Այդ պարիսպներին համա-
պատասխանող և բերդի օղակը արևելքից լրացնող գիծը գրեթե չի ամրացված
արհեստական կառուցումներով: Այդ կողմից քարաբլուրը ուղղաձիգ գահա-
վիժում է վար, դեպի լեռնային գետակի խորացրած ձորը, ելնելու համար ոտ-
նատեղ չթողնելով. միայն այնտեղ, որտեղ քերձերի գլխին ցից-ցից ատամնե-
րի միջև մնում են արանքներ, այդ արանքները լցված են մասնակի պարիսպ-
ներով և ետևից՝ հող ու քարով:

Բաղաբերդի պարիսպները շարված են ամուր կրաշաղախով միազանգ-
ված, արտաքուստ կոպիտ տաշած քարերով, առանց շարք-շարք դասավո-
րություն. երեսը նույն ամուր շաղախով սվաղված է և այդպիսով վեր մա-
զբլցելը անհնարին է դարձած: Պարիսպների տակը, ներսից, բոլոր փոսերն ու
խորդուբորդ տեղերը լցված են հողով և քարով, պաշտպանվողներին իրար հետ
հարաբերություն պահպանելու և արագ մի տեղից մյուսը անցնելու դյուրու-
թյուն ընձեռելու համար: Աշտարակները կանոնավոր կիսաշրջաններով
բավական առաջ են քաշված պարիսպների ընդհանուր գծից: Հյուսիսային պա-
տի մեջ այժմ եղած բացվածքը եղել է բերդի միակ մուտքը:

Պարիսպներով ընդգրկած հրապարակի վրա շենքերի հետքերը ծածկվել
են դարերի ընթացքում հողի հաստ շերտով: Այս ու այնտեղ շտապ կիտված
են քարակույտեր, որոնք սակայն նոր իրադարձությունների գործ են և ծառա-
յել են որպես դիրքեր թուրք աղգաբնակչության համար դաշնակցության կա-
ռավարության շարաքաստիկ տարիներին: Պարիսպների վրա երևում են որմ-
բակոծության հետքեր, որին այդ դիրքերը ենթարկվելիս են եղել դիմացի լե-
ռան գագաթին՝ դաշնակցության այս կողմերում լիազոր և ուղղմական ուժերի
առաջնորդ կարգված Նժդեհի կանգնեցրած թնդանոթից:

Բաղաբերդը այն աստիճան անառիկ էր համարվում, որ սելջուկյան իշ-
խանների վերջին վճռական հարձակման ժամանակ 1170 թ. այստեղ էին տե-
ղափոխված գավառի բոլոր վանքերից, նաև Տաթևից, բոլոր ձեռագրերը, սպաս-
ները, հարստությունները, ոսկեղենը, արծաթեղենն ու թանկագին մանվածք-
ները³⁶:

Բաղաբերդի բարձրագիր ամրությունները պաշտպանում էին ոչ միայն
այդ ձորերի Չորքի խորքերը, այլև այն կարևոր ճանապարհը, որը պատմական
Արևիքի՝ Մեղրու շրջանի միջով գալով Ուրմիո լճի ավազանից—Թավրիզից
փոխադրվում էր Դիբազուրի լեռնանցքով Արեգունու կամ Զավնդուրի-Մեղրու-
Գյունեյի լեռնաբազուկով Բաղք և միանալով այժմյան Ողջի (Օխչի) գյուղի
Փիրգուղան սրբավայրի մոտ Կապուտջուղի (Կապուտջիղի) լեռնանցքով
արևմուտքից՝ Գողթնից, այն է Ագուլխի և Օրդուբադի կողմերից եկող ճանա-
պարհի հետ՝ մի փոքր տարածություն ընթանում էր Ողջի (Օխչի) գետի հոսան-
քով վար, տեղափոխվում էր նրա ձախակողմյան օժանդակ Գեղվա գետի բե-
րանի վրայով և Բաղաբերդի տակով ուղղվում էր հյուսիս: Գեղվա գետի բե-
րանին պահպանվել է բավական խանդարված վիճակի մեջ գեղեցիկ հին կա-
մուրջը, որով այսօր էլ օգտվում են երթևեկողները: Ճանապարհը շարունակվում

³⁶ Օրբէլեան Ստ., գլ. 48, էջ 336: